

陶氏詩文讚

詩文引

詩言志文載道二者炳炳麟麟懸諸日月而不刊譜以紀實非誇風雅而艷詞章奚事詩文為然則詩也文也其可不必譜者耶雖然有辨焉古來世族中理學名儒騷壇老宿作為文章形諸吟咏藏名山而傳之其人要不過自成一家言耳非惟譜之不勝譜抑且譜之無庸譜也夫不有詩寓勸懲文示規誠為後人之箴銘者乎夫不有贈答有詞歌頌有體以及慶祝誄輓綜其人之行誼而揚厲者乎又況勝地名蹟或採藻摛華或敲金戛玉以記其事以誌其盛則詩文文何非紀實者也擇紀實之詩文而登之譜牒誰得嗤為贅瘤乎譜詩文

靖節公贈長沙公族祖詩四首

長沙公於予為族祖同出大司馬昭穆既遠已為路人經過潯陽臨別贈此

同源分流世易人疏慨然寤嘆念茲厥初礼服遂悠歲月眇徂感彼行路眷然躊躇
於穆令族允構斯堂諧氣冬誼映懷圭璋爰采春花載警秋霜我曰欽哉實宗之光
伊予云邁在長志同笑言未久逝焉西東遙遙三湘滔滔九江山川阻遠行李時通
何以写心貽此話言進簣雖微終焉為山敬哉離人臨路悽然歛襟或遼音問其先

靖節公命子詩十首

悠悠我祖爰自陶唐邈焉虞賓歷世重光御龍勤夏豸韋翼商穆穆司徒厥族以昌

紛乚戰國漢乚衰周鳳隱於林幽人在丘逸蚪繞雲奔鯨駭流天集有漢眷予愍侯

於赫愍侯運當攀龍撫劍夙邁顯茲武功書誓山河啓土開封疊乚承相允迪前蹤

渾渾長源蔚蔚洪柯羣川載導眾條載羅時有語默運因隆窳在我中晉業融長沙

桓桓長沙伊動伊德天子疇我專征南國功遂辭歸臨寵不忒孰謂斯心而近可得

肅矣我祖慎終如始直方二臺惠和千里於皇仁考淡焉虛止寄跡風雲寘茲愠喜

嗟予寡陋瞻望弗及顧慚華鬢負影隻立三千之罪無後爲急我誠念哉呱聞爾泣

卜云嘉日占亦良時名爾曰儼字爾求思溫恭朝夕念茲在茲尚想孔伋庶其企而厲夜生子據而求火凡百有心奚待於我既見其生實欲其可人亦有言斯情無假

日居月諸漸免於孩福不虛至禍亦易來夙興夜寐願爾斯才爾之不才亦已焉哉

靖節公責子詩一首

白髮被兩鬢肌膚不復實雖有五男兒總不好紙筆阿舒
已二八懶惰故無匹阿宣行志學而不愛文術雍端年十
三不識六與七通子垂九齡但覓黎與栗天運荷如此且

進杯中物

靖節公悲從弟仲德詩一首

銜哀過舊宅悲泪應心零借問為誰悲懷人在九冥禮服
名羣從恩愛若同生門前執子手何意爾先傾在數竟未
免為山不及成慈母沉哀疚二胤纔數謝雙位委空館朝

夕無哭聲流塵集虛坐宿草 旅前庭階除曠遊跡圍林獨
餘情翳然乘化去終天不復形遲匕將回步測匕悲襟盈
靖節公挽歌辭三首

有生必有死早終非命促昨暮同為人今旦掩鬼錄魂氣
散何之枯形寄空木嬌見索父啼良友撫我哭得失不復
知是非安能覺千秋萬歲後誰知榮與辱但恨在世時飲
酒不得足

其二

在昔無酒飲今但湛空觴春醪更浮蟻何時更能嘗殺案
盈我前親舊哭我傍欲語口無音欲視眼無光昔在高堂
寢今宿荒草鄉一朝出門去歸來夜未央

其三

荒草何茫茫白楊亦蕭蕭嚴霜九月中送我出遠郊四面
無人居高墳正蕉曉馬爲仰天鳴風爲自蕭條幽室一已

閉千年不復朝千年不復朝賢達無奈何向來相送人各

自還其家親戚或餘悲他人亦已歌死去何所道託體同山阿

靖節公詩集超軼古今傳炙人口前覽各有品題今擇其有關於譜者謹登數首以誌淵源之有自云

裔孫鈞宣變菴甫 謹識

贈陶公諱冀宣

金馬霜華肅銀魚雪色光曉登青鎖圍身惹御爐香

贈陶公諱仲思

靖節高風播晉朝仲思性懶老魚樵若論風月园林主仍對黃花漉酒瓢

贈陶公諱子駿

蘇軾

能吟五家詩仍戴漉酒巾人呼小靖節自是葛天民

瞻陶公諱汝相

趙雪

淵明琴一絃且無何況聲君絃豈是淵明物七絃幽匕能鳳鳴淵明窻只有清風滌炎熱君窻原是淵明家
吹得清嵐更成雪有絃無絃知孰絃清風與雪俱偶然淵明無語堪一笑綠陰滿地聞初蟬寄傲在東軒

九日籬邊對菊

三世祖 在文

愛菊誰言鮮有人我今對菊倍相親白衣未至心先醉青
汝頻來節愈貞但使相逢同氣雅何須更插滿頭新吾家

靖節今猶古人自風流花自醜

中洲月夜書懷 洲即陶家洲 在文

洲畔結廬三兩間相親相近水和山琴書以外無長物詩酒之餘有剩閑懶去嘯歌師叔夜醉來鼾睡學陳
搏月明獨步中洲望長笑一聲天地寬

在文公著有雙溪性華吟一集經兵燹之後散佚無存搜厥遺篋得殘篇不過數章所謂商詩十七篇僅
存其五謹登二首即一斑可窺全豹云

壽陶公字子臣老先生八十 黃學智立人甫

規矩從心又十年康強自著養生篇
炤窗晚景娛鴻案繞砌清芥仰象賢
大業新垂名益顯雄才獨擅老尤
堅 祝翁写就岡陵頌烟火城頭陸地仙

其二

養成逸品謝朝簪豈為折腰避故林
流憩田園扶策老盤桓
佖菊閉門深多漆情話悅親戚
獨嘯烟霞傲古今為報南窗高卧者
義皇聲價抵千金

祝陶公字達九尊親翁七十 邑廩生李文磐

先生道貌果岐嶷五柳高風儼在茲
介節不隨流俗轉清操猶是古初遺
達人胸次原無我九老圖中更有
誰此日登堂歌壽考如翁信是古來稀

祝陶公字公漢先生六十 湯榮誥

何須金紫號名流渾樸如翁品最優
湖海逍遙多歲月煙霞嘯傲足春秋
長齡正喜花週甲難老旋看星滿

籌一幅籌箋兼藕進松風庭院韵悠悠

八仙贊壽親翁陶公字仲明六十華誕有引

邑增生

黎中德

公誕辰不受賀予以常儀往公笑曰子何人而亦未能免俗耶燕次間挂八仙圖指謂予曰世傳其名莫攷其實子知之乎予為歷歷言之公曰子固能詩曷即以贊八仙者壽我可矣於時酒酣興發援筆題獻舉座盡歡云東華一遇道功成領袖羣仙不敢輕欲渡世人多未得黃梁貪夢個中情 右仙鍾離權

乞丐形骸破衲襪愛眠忘却暑來寒葫蘆有火能燒劫懶煉長生不老丹 左仙李鉄拐

風流才調活神仙詩酒場中到處傳最愛岳陽樓上景至今人望洞庭烟 右仙呂洞賓

莫紀生來草昧初侍中曾拜帝堯除開元以後官雖做天下雲遊一紙驢 右仙張果老

跣足長吟踏踏歌仙家世界正如何朝騎鸞鳳遊碧落暮見桑田生白波 右仙藍采和

學道還家莫怪遲逡巡花綻一聯詩藍關有意來相引纔信仙人迥出奇 右仙韓湘子

堅謝君王汗漫遊功名富貴等浮沤杭河便上神仙路贏得金牌在渡頭 左仙曹國舅

一自餐桃不嫁人當年休咎已通神仙姿日在瑤池上那得拋閑問洞賓 右仙何仙姑

壽陶翁字仲達九十華誕

邑增生 黎中德

喬木深村舊結廬高齡今復見崇虛生逢舜禹承平際人是義皇大古初壽酒醪靈能滿酌壤歌作息自安居行看角鬢徵難老三樂榮期應不如

壽陶翁字仲元六十華誕

邑增生 黎中德

六十如公陸地仙孟光偕老共稱賢不慚見女安清隱尙理田園樂有年閉話桑麻能永日自栽榆柳待參天新詩賦就同欣賞願祝秋椿歲八千

祝燮老令塘鍾大君六十

邑增生黎中德

甲輪春小燕萱堂酒釀寒花晚節香勞績敬姜多壽祉弄孫明德永康強名知有子賢歸母禮著宜家頌滿鄉清操只今何以獻蟠桃橘綠間橙黃

其二

熊邦信

形管從來紀德徵況如鍾郝世應稀擇鄰教子資師範剪髮延賓仰母儀何夕曾停燈下績如今還着嫁時衣眼前節義空羣輩眉壽留標萬世輝

祝樊翁夫子四句華誕

門生湯誥

初臨強仕樂融匕特進茱萸酒一鍾五柳芝蘭滋化雨滿庭桃李笑春風參天翠柏碧雲外獻瑞黃花曲檻中負笈多年承面命願將福壽祝華封

其三

湯誥

從遊函丈許多年不惑初臨陸地仙酒送東籬榮強仕星輝南極耀華筵風騷李杜堪攜手談笑韓歐可並肩五柳堂中開壽域願獻長春賦一篇

哭姪鈞陽 士綱

山水依舊絲光陰迅且速戊寅夏染恙己卯春沉篤相知猶抱慟何況親骨肉英魂如未散或在南屏麓
偶讀亡友鈞陽賦書以志痛

鍾菁

偶檢殘篇獨自傷當年風雨話聯床相期衛玠名成蚤誰意楊修命不長冷落山林無拱木留傳天地有文章
章間來覓得梧岡稿讀罷教人淚兩行

鈞猷自題像贊

謂爾是我莫非貌相謂我是爾終屬模樣我本渾然無跡尋丹青把爾來名狀

惜陰堂四景

石門虎嘯

鍾菁

石徑嵯峨草木叢
班寅一嘯萬山風
既成豹變文章美
自有吞牛氣勢雄
兽裡稱王難履尾
巖前磨爪不迴瞳
林寐食飽負隅立
踞地咆哮跳澗中

香爐文筆

鈞宣

香繞爐尖透九重
羣驚玉管插天空
寫成雁字雲箋麗
描就霓裳月殿紅
筆點星光射斗毫
揮墨霧氣吞虹
春桃秋桂峰頭放
好似生化入夢中

其一

蕭朝光

蒼然秀藹一峰奇
霧繞霞飛現紫芝
誰把銀毫滋雨露
擬將玉笋插雲逵
香爐烟送南窻笛
文筆尖揮翰苑詩
山水由來培勝地
此中人傑更何疑

所高迴瀾 所高灣原名左家灣

鈞猷

江漢洪流勢若狂
銀濤亂瀉韻鏗鏘
左旋汨匕隨天運
直下滔匕繞地長
竹葉波迴灘石古
桃花浪滾客船忙
遡遊盼盡兼蒼景
來訪伊人水一方

其三

潯躍

綠水漣漪浪作堆
春花秋月總潏洄
江本是陶家渡曲渚
誰傳左氏隈
岸柳烟橫舟漫去
潭波月映影

徐來此中應有懷珠瑞好把源頭活水培

康灘水聲

潯龍

磷磷石疊水淙淙不盡洪濤倒峽衝雅韻鏗鏘凝戛玉餘聲鏜鞳訝鳴鐘响傳深谷驚巢鶻波撼碧潭起
卧龍破浪乘風從此去方知人傑地靈鍾

乙亥重修贈句

壽理情尊姊丈五十華誕

海屋籌添五十春生平惟我悉其真居心有道公和讓涉世無欺正與均暢飲休辭元亮酒撐持勿減士
行身箕裘直欲恢先緒燕翼寔能啓後人火棗交黎供壽域稱觴朱履慶生辰從茲疊七霞卮獻銅狄摩挲
不計旬

內弟周世賑拜撰

左贈

情老先生俚句

海岳高深差可稽工操剗劂悉端倪相遡司馬名傳古孫子榮應鴈塔題

唐宏遠拜撰

傑人早識地鍾靈馥馥桂蘭艷滿庭耕廣福田書詔讀洵爲當代著芳型

李方嘉拜撰

右贈

田老相公俚句

南臺別席御塵紅馬首曾因訪友東得遇高人延就範覺慚騷客敢當風成均榮荷家聲振華第寵增國子
隆指日雲霄凌萬里羽儀叶吉仰飛鴻

李方嘉拜撰

恭贈

鈞詔老先生

年踰七十壽如松翠柏撐天春意濃千載歲寒枝耐永如翁五福信堪封

唐宏遠拜撰

恭贈

興玉先生

親憶先生德道純洵爲當代一名人端方正直殊無比五柳風高足並臻

唐宏遠拜撰

福老心田陶先生俚句

昔年前已過湘遊強挾彤蟲識楚邱相遇東南誠不數如君雅度幾名流

唐宏遠拜撰

案聲清白代相傳眼界遼空目勝天秋宴黃花春愛柳先生滿擬紹前賢

李方嘉拜撰

惜陰堂記

鍾菁池化氏

劉水之東有大溪焉自雙江口上二里許爲所高灣山水清幽其石磊磊然突怒偃蹇負土而出若虎豹狀長川一派勢若雷吼不減廣陵濤聲地沃野最廣居民淳樸陶氏因家於此予從鈍夫陳公遊讀書其地與陶子鴻禧及變菴敬夫蕭子鑑台皆同門畏友謙匕自下不類世之以狂要爲儒者甲午秋余下第歸閉門讀古自叹文中世用檢故紙焚之適陶氏家譜成因連祠於溪南以妥先靈名曰惜陰堂四外列景諸山來朝蒼翠詭狀綺縮錯繡後連高山前注洪溪遠混天碧遂爲境中鉅觀變菴邀予一覽索四景詩且屬爲記予笑而諾之昔者乃祖士行公在東晉建奇勳匡翊王室都督八州軍事封長沙公其性聰敏恭勤嘗語人曰大禹聖人乃惜寸陰至於眾人當惜分陰豈可但遊逸荒醉生無益於時死無聞於後是自棄也今陶子以惜陰名堂必能勤於自修力追古人使後之覽者亦將有感於斯堂是爲記

陶家洲記

士才位三甫

瀏東大圍山重岡峻嶺介於豫楚之間水源派分一注於大溪一注於小溪至雙江口而兩水滙焉溯流而上不數武有洲名曰陶家洲予童時從先君子遊其地耳其名因問曰此洲也胡爲以陶家名哉先君曰此我祖雙溪公發祥地也洲處中流前踞溪頭後枕石湖左右諸山排列由其中以望山之高雲之深溪之流

鳥獸之遨遊舉熙熙然迴巧藏技以效茲洲之下枕席而卧則清冷之狀與目謀澄匕之聲與耳謀悠然而虛者與神謀淵然而靜者與心謀雙溪公負異才未展樂道林泉怡情山水每讀坡公鈇鋤鐔小丘記常嘆勝地殊不多得及遊此恍身際其中爰挈家而遷居此土或登高舒嘯或臨派賦詩或二三良友把酒言歡任真自得都人士高其行薰其德遂以陶家而名是洲迄於今上下百餘年間耳乃名是而物非為人孫子能無悵匕與雖然盛衰興廢之理自古如斯惟有德者永留其名今業更而名不更然後知黃金雖多能易其地而不能易其名也

恭賀

襄臣老夫子釣魚吟律原韻四首

不思聖域與賢關惟愛江湖釣且閉得意幾忘傾北海怡情爭勝卧東山坐看桃浪煙波處行盡花疏水國間曾記登龍親叩謁持竿恰自富春還

其二

程門夜立烛搖紅會座春風化雨中請業每從函丈側垂綸同赴大江東山川景色情猶適花草精神興轉融休道煙波稱釣叟漁翁原是一詩翁

教員門生陳化鵬

不為名利競機關手握魚竿得自閉大知生涯雷澤汙高賢樂地富春山眼空雲水無邊際身寄羲皇以上

間共羨老師多事外終朝垂釣夕陽還

其二

桃花逐浪武陵紅惟許漁郎入個中瀟灑形神超象外浮沉沔泡付流東釣璜人共推姜尚負笈予曾拜馬融野服葛巾誰認識綠楊隄畔隱仙翁

教員門生蘇家三

石門虎嘯

石門卓確最巉峩虎哮一聲聽若何豹變南山文蔚茂鹿鳴上苑韻清和風生爪露君長嘯霧暗身藏客漫過突兀峯頭尋古洞詩人猶憶闕如歌

熙績

其二

石門雄峻素相望虎嘯風生我適當巖上獅嘶驚唬關雲間豹變炳文章張威壯士謀蒙馬失足高賢為咬羊透爪露牙誰履尾至今猶美獸中王

培堉

香爐文筆

香爐聳翠耀交光筆點青天紙一張濡染墨塗鴉著色縱橫字寫鴈排行峯頭花放疑江管石上詩題訝杜
章此日登臨憑眺望豁然好景賦高岡

熙績

所高迴瀾 所高灣原名左灣

山輝川媚石清華曲折紆徐更可嘉自古灣頭原左氏而今渡口是陶家江心浪滾留明月水面瀾迴泛落
花兩岸綠楊船欲繫夕陽沽酒彌興賒

鎮松

康灘水聲

康莊道路駐人行灘口爭看水泻傾澎湃音傳棲鶴散丁璫響澈卧龍驚初聞何處敲金樣誰識洪濤激石
聲白涌碧翻風韻足濟川才調遠詩情

熙謨